


ლოვოვინა ქოლა



კლასი I

საანბანო საკითხავი წიგნი, ასო-ბგერა „ლ“

წიგნის გამოყენება რეკომენდებულია ერთობლივი კითხვის, ასევე, წყვილებში კითხვისა და მართული კითხვის აქტივობების ჩასატარებლად.

ავტორთა ჯგუფი: **თათა ჭანტურია, მაია ლორთქიფანიძე, ხათუნა რაზმაძე, მაკა მახარობლიძე, ლელა ქისტაური, ქეთი ფიცხელაური**

მხატვარი: ზურაბ სულაკაური

საქართველოს დაწყებითი განათლების პროექტი (G-PriEd) მადლობას უზდის ლელა ქისტაურს, რეზო გოგიას, ნუგზარ არჩე-მაშვილს და ელისო რეხვიაშვილს, რომლებმაც პაპატა პაპავას ხელმძღვანელობით მნიშვნელოვანი წვლილი შეიტანეს ამ წიგნების მომზადებაში. განსაკუთრებული მადლობა ქალბა-ტონ მედეა კაკაჩიას (USAID) განეული დახმარებისთვის.

ამ მასალის მომზადება შესაძლებელი გახდა ამერიკელი ხალხის კეთილი ნებითა და აშშ საერთაშორისო განვითარების სააგენტოს მხარდაჭერით. მასალების შინაარსზე პასუხისმგებელია შემდგენელთა ჯგუფი და იგი არ წარმოადგენს აშშ საერთაშორისო განვითარების სააგენტოსა და აშშ მთავრობის აზრს. ეს მასალა მომზადდა აშშ საერთა-შორისო განვითარების სააგენტოს დაწყებითი განათლების პროექტის ფარგლებში, რომელიც ხორციელდება საქართველოს განათლებისა და მეცნიერების სამინისტროსთან ერთად.



USAID
FROM THE AMERICAN PEOPLE

G-PRIED


Georgia Primary Education Project
საქართველოს განვითარების სამინისტრო



ლოკოკინა

ლილა

იყო ერთი ლოკოკინა ლილა.
ლილას ძალიან უყვარდა
სოფლის ნაკადული.
ლილას ნაკადულის ხმაც
უყვარდა.
მთელი დღე წყლის პირას ეძინა.





ერთ დილას ლილა სიჩუმებ
გააღვიძა.

წყლის ხმა არ ისმოდა.

— ვაი, სად გაქრა ნაკადული?

— ცხელა, წყალი დაშრა, —
უთხრა ხემ.


— ახლა სად არის? — ჰკითხა
ლილამ.

— შორს, ლურჯ კლდესთან.



— ნაკადული უნდა
მოვძებნო! — თქვა ლილამ.





— ვერ მიხვალ. ძალიან
შორია!

— მივალ!
ლილა გზას გაუდგა.
იარა, იარა და ლურჯ კლდეს
მიადგა.

— აი, ლურჯი კლდეც! წყალი
სად არის?

წყალი იქ
არის, მაღლა.

ლილამ კლდეს ახედა.
კლდე ძალიან, ძალიან
მაღალი იყო.



ვერ ახვალ.
ძალიან ცხელა!





ლილამ კლდეზე ასვლა
დაიწყო.

კლდე ძალიან, ძალიან
მაღალი იყო.

— მართლა ძნელია... უჰ,
როგორ ცხელა.



ლილა ძალიან დაიღალა.

ნაკადული კი არ ჩანდა.






— ნაკადულო, სად ხარ?
— აქ ვარ, ლილა! —
მოისმა წყლის ხმა.



- წყალო, წამოდი ჩვენთან,
- სთხოვა ლილამ.
- ვერ წამოვალ. მცხელა.



- აბა რა ვქნა?
- ღრუბელს სთხოვე,
გიშველის. წვიმას მოიყვანს.
- ღრუბელო, გთხოვ, მიშველე!



ღრუბელმა წვიმა მოიყვანა.
წვიმამ ნაკადულს წვეთები მისცა.
ნაკადული გაიზარდა და
სოფელში დაბრუნდა.

ახლა ისევ
ტკბილად
დავიძინებ!